

dumunna cumuujii ladde

Bataake Bunndu

Jaaynde Humpitorde Ladde Reenaande Renndaande nde Bunndu

Jaaynde nde yubbini KORENA – Kisnirgal LRR (RNC) Bunndu

Njaaynirka

Baganda Saakho, hooreejo GIC mo Bakkel

Tawi e oo doo sahaa fuddorde ceedu ladde ndee ina hubba, RNC mo Bunndu kañum ne nana darii e golle. Nde wonde gila e lewru oktoobar, seteeji karalleeji keewdi ndeggondirii e diiwaan he, yimbe bee ina njeewta e tiitode ceertude ko wa'i no ngaynaaka, yeñ cingol njuumri, peewnugol naboka (filma) e darnugol goomuujii toppitiidi kisanal ladde reenaande ndee.

So tawii golle dee renndini ko wallidiibe iwbe Rewo (Iseer, PNR mo Milwash to Limusin, Danniyaŋkoobe), haa e iwbe e diiwaan Tammaakunnda, kala goomu e ladde reenaande ndee ina fellitani dooftaade hakkille gollondiral doftufo darnugol RNC mo Bunndu oo. Ko gollondiral ngal Konsey Seneral Iseer hesditini e sahaa ñalawmaaji Iseer-Tammaakunnda/Keedugu, kañum e goomu rewindo RNC mo Bunnda ñande 17 nowammbur jawtufo oo, e siftinorde wonde hannde oo, dum nattii wonde ebboore, kono ko gollal tabitngal tigi. Wadde hannde oo, leŋgo gollondire ngo nana yaaja ; ina daminaa heen tabitingol golle keewde de enen, dente dowri dee e GIC mo Bakkel, nganniyii rewnude laawol haa feewa.

Goomuujii deenooji kawritinde gure dee ndariima

RNC mo Bunndu, kañum e ektaruujii mum 120 000, ko boowal jaajngal ngal weebaani reende. Soppugol ledde, jayli ladde e bonanndeeji goddi e nder nokku hee, wadata dum ko Nedfo, te yimbe nokkuuji di ina kucciti heen mbaawaa heen hay huunde.

Ngam reende dooftagol sardiiji ngenndiiji dii e kuule keeriide Doosde nokku jubbinooje rewindo moyyo ladde ndee, yimbe bee ina ndenta hannde oo e nder goomuujii reengol hakkunde gure dee ; diin goomuujii maa ngollodo e serwisaaji Oo e Foo-ree, e nder gollondiral tiidngal, naftowal.

Hannde oo, goomuujii didi kebi tawo darneede (to Tommbura e to Dide Gasama), te golle puɗfaama mbele edi kebtinee to gollorde laamu. Goomuujii Kusaj e Talibaaji maa ndew e ngool laawol ngam huubnude denndaangal RNC mo Bunndu.



Goomu reengol mo diiwaan Dide Gasama, e sahaa batu huubtidinngu darnugol mum ñande 12 nowammbur 2009

Yitere Ladde Reenaande ndee

Ina hasii wonde won e mon pottii e lewru nowammbur jawtufo oo, oo doo kameraa tokooso e jooma mum Misel Korosas mo L'Oeil Nu (Iseer) omo wi'ee kadi alias "Ngaari Mawdo".

Jonte nayi, Misel doftii njilluujii wallidiibe Ladde ndee, o yillii ma gure, o yabbii koyde makko e nokkuuji kisnetaadi ladde ndee, ngam feewnude naboka (filma) peññinoowo darnugol RNC mo Bunndu oo.

Oon filma mo Konsey Seneral Iseer addii heen ballal mum maa heboye e DWD, te hollitee Isernaabe haa anndee wonde be goll otoobe e RNC.

Ngam hebde kabaruujii goddi...

<http://www.loeilnu.com>



Cumuujii ladde : yeewtal e 2008

E sahaa nde cumuujii ladde dii njabbi e dow ko buri heewde e Ladde reenaande ndee, yontii nde yeewtal ceedu yawtungu 2008 2009 wadaa.

E ballal gollondiral darnangal e Galle Denndaado toppitiido Widto (CCR) mo Dental Orop, rewindo cumuujii dii, e dow huutoragol masiŋ satelit ina tabitini hannde oo e nder RNC oo. Limooje ina ngannidina en e kala yontere no foti jayli mbaadi, nokkuuji majji e njaajeendi majji. Ko nih woni, e nder cumuujii 308 baɗɗi e hitaande yawtunde ndee, 84 % e nder majji mbaadi ko hade lewru deesambur, di memi ko denndaangal RNC oo.

Dee limooje maa njogo faayida mawdo ngam ñaawde moyyugol peeje yeftaade ngam habaade cumuujii dii e nder ladde reendaande ndee.

RNC to limooje :

308 Limooje jayli ladde teskaadi e nder RNC (hitaa-nde 2008-2009)

89 Limooje jumoobe coosaan yanjooobe e nder gure RNC.

4 Limooje goomuuji toppitiidi reengol e nder RNC.

Danniyankoobe ndentii.

Aset 12 deesambur 2009, to foyee St Just e Pari, dente danniyankoobe keewde denndinde jeyaabe Bunndu kawritii e miijo fedde ABM (Avenir du Boundu Méridional) e Konsey Seneral mo Iseer, ina doftibe heen PNR mo Millewaas en Limusej e Misel Korosas. Huunde e filma mo wadi L'Oeil Nu wallitii e badtondiral hakkunde danniyankoobe bee e banndiraabe mabbe heddiibe to leydi too.

Tawtoragol ngol ina timmi : ABM, ko goonga, kono kadi Fedde Bamtaare e Renndo e Faggudu Bunndu (ADSEB) et Fedde Bamtaare Sukaabe Bunndu, jogiide pellital jeyeede tigi e ebboore bamtaare nawdaande e Ladde Reenaande Renndaande Bunndu. Dee dente maa kawritoy ko leelaani ngam renndude yewtere feewtude e sardiiji jeyagol majje heen.



E nder gure dee...

KOMITE RIIRAL TUMMBURA

Safirirde Tummburaa hebii kuu-torde cellal, taabe e siisuuji haa e mooftirde timmitinooje, duum maa wallita e peewnugol ngol.

Ballidiido : AMD

Yeñcingol njuumri : gollal gadanal fuddangal e RNC

Ko gollal cosaan, ngal nganndu-daa so tawii nawdaama e peeje kese, maa ustu bonanndeeji e ladde ndee (soppugol ledde, jayli ladde...) tawa kadi ina adda ngartam nduumidam.

Tuggi 27 haa 31 oktoobar, njillu renndingu SAD (fedde yeñcinoore njuumri to Dauphine) e PROGEDE (Tammbaakunndaa), e ballal Wulaa Nafaa e FFEM CF-IUCN, wadii feere haa sifaa no ngal gollal wadirtee hannde oo yuurnitaama. So tawii jumoobe heewbe nana e kala wuro, heewaani jumoobe cosaan bee heddiibe haa jooni. Nde wonde gila duubi keewdi, ñaaki dii nattii heewde, te kadi hudo feewnirteeko cuudi ñaaki cañeteedi dii nattii heewde... Mbele saabii dum ko kitaale yooro dee ? Dum fof e wa'de noon, dee cafeele gondaa-de jooni kulbinaani jumoobe yiilotoobe njuumri coklaandi no feewi ndii...sahaaji dum ina addana be joodaade yontere be liggaaki sabu pidande ñaaki dii.

E hiisaade nafoore yimbe ladde renndaande ndee e bure nokku oo, bamtude ngal gollal wondude e addude peeje kese, ko dum wonoyta faandaare ebboore wonnde e darneede e nder ebboore bamtaare nokkuure RNC.

Ko arata :



Samwiye haa marse 2010

KORENA, e ballondiral e Galle Pinal mo Tammbaakunndaa, ina yubina kawgel ngam cosgol maantoo-de RNC mo Bunndu, dum ina additanaa kala ñeeñdufo (artiste) senegaalnaajo (coklufo heen kabaruuji yo jokkondir e Centre Culturel mo Tammbaa, Sheekh Jallo, e tongg.

33 981 10 42 walla 77 789 21 30

Edda jabgol nate dee : 15/03/2010

23 Samwiye 2010

Batu janginoobe e nder RNC Bunndu to Kusanj.

17 haa 21 febariye 2010

Njillu wadoobe estaas be IUFM mo Grenoble e nder ekolaaji RNC (maa dum teejtine ko arata)



Kollitgol kuutorde kese to jumoowo e Gonngeeji, Oktoobar 2009.

Bannge nano : feere jungol cosaan e huutoraade jayngol. Bannge ñaamo : yeewndo comcol juumgol.



Ladde Reenaande Renndaande nde Bunndu

Ko ebboore Dente Dowri (KR) **Duge, Kusan, Sifcu Fissa, Tummbura e GIC (Dental Bamtaare Renndaande) mo Bakkel.**

E nder gollondiral tellitinangal hakkunde Iseer e Tammbaakunnda, e ballal ARD, gollorde karalleeje dee, ebbooji e porogaramuujji Diiwaan oo.



PNNK
Parc National du
Niokolo Koba

INSPECTION
d'Académie de
Tambacounda



e ballal FFEM. AFD e CF-IUC

JOKKONDIRE :

KORENA

Kisnirgal RNC ngal Bunndu

Kusan, WB 238 Tammbaakunnda-Senegaal

Corena.tamba@hotmail.com

Keleer Kelemaa

Kalfinaado Ballitgol e Kisnal RNC

(00 221) 77 713 92 79

ARD mo Tammbaakunndaa-Catal Bakkel

Mammadu FADE

Hooreejo Catal

(00 221) 77 511 51 26

fademamadou@yahoo.fr

Mballundi : B.Saakho (GIC mo Bakel) - A. A. Tannjaa (ARD Tamba) - J.-G. Bayon e B. Jallo (Iseer)

Nate : Keleer Kelemaa - **Peewnugol/Binndande** : K. Kelemaa - **Fulo** : Ibraahiima Seydu Jah